




254.745

EPISTOLA - HULDERICH










254


245

RBR









EPISTOLA

DIVI HVLDERICHI AVGVSTENSIS

EPISCOPI, ADVERSVS CON

STITVTIONEM DE CLERI

COELIBATV, PLANE

REFERENS APOS

TOLICVM SPI

RITVM.

VVITTEMBERGAE.

PIIS LECTORIBVS S.

E GREGIA res cælibatus est, sed non perinde in cuiusvis
manu posita. Quo minus uulgari debuit constitutio de cæli
batu ab impiis pontificibus, in uniuersum genus sacerdotū
Qua in re laudanda est græcæ ecclesiæ prudentia, quæ hac parte Ro
mani pertinaciter refragata est. Laudanda est & Constantiensis
Ecclesia in Sueuis, quæ longo tēpore eam pontificū legem detrecta
uit. Quanto satius enim fuerat cuiusq; spiritui, rem tantam permit
tere? Neq; enim eadem sunt, ut ait Apostolus, omniū dona. In quā
sententiam multa diuus Hildericus Augustensis Episcopus ad pon
tificem Nicolaum Christiano plane spiritu scripsit. Eius Epistolam
nuper ex antiquo codice excerpta uisum est, piis lectoribus exhibere.

VALETE.

7630

HAEC est rescriptio sancti Hulderici Episcopi, in qua Nico-
 lao Papæ de cōtinentia clericorū non iuste sed impie, non
 Canonice, sed indiscrete tractanti ita respondit. Nicolao
 domino & patri peruigili sanctæ Romanæ Ecclesiæ prouisorio Hul-
 dericus solo nomine Episcopus, amorem ut filius, timorē ut seruus.
 Cum tua o pater & domine decreta super clericorū continentia nū-
 per mihi transmissa a discretione inuenirem aliena, Timor quidam
 turbauit me cum tristitia, timor quidem propter hoc quod dicitur
 pastoris sententia, siue iusta, siue iniusta timenda esse. Timebā enim
 infirmis scripturæ auditoribus, qui uel iustæ uix obediūt sententiæ,
 ut iniustā conculcātes libere onerosa immo importabili pastoris p-
 uaricatione præcepti se obligarent, Tristitia uero uel cōpassio dum
 dubitabam, qua ratiōe membra cauere possent capite suo tam graui
 morbo laborāte. Quidēnim grauius, quid totius Ecclesiæ cōpassio-
 ne dignius, quā te summæ sedis pontificē, ad quem totius Ecclesiæ
 spectat examen a sancta discretione uel nimiū exorbitare? Nō parū
 quippe ab hac deuiasti, cū clericos quos ad continentiam coniugii
monere debebas, ad hanc imperiosa quadā uiolentia cogi uolebas.
 Nūquid enī merito cōmuni omniū sapientū iuditio hæc est uiolen-
 tia, cū contra Euangelicā institutionē ac sancti spiritus dictationem
 ad priuata aliquis decreta cogitur exequenda? Cū ergo plurima ue-
 teris ac noui testamenti suppetāt exempla sanctā, ut nosti, discretio-
 nem docētia, tuæ rogo ne graue sit paternitati uel pauca ex plurib9
 huic paginæ interseri. Dominus quidē in ueteri lege sacerdoti cōiue-
 gium constituit, quod illi postmodum interdixisse non legitur. Sed
 in Euangelio loquitur, Sunt Eunuchi qui se castrauerūt propter reg-
 nū cœlorū, sed nō omēs hoc uerbū capiūt, qui potest capere capiat.
 Quapropter Apostolus ait, De uirginibus præceptū domini nō ha-
 beo, consiliū autē do, quod etiā iuxta prædictū domini nō omnes
 hoc consiliū capere posse consideras, sed multos eiusdē cōsiliū assen-
 tiores hominibus nō deo pro falsa specie cōtinentiæ placere uolen-
 tes, grauiora uides cōmittere, patrū scilicet uxores subagitare, mas-
 culorū ac pecudū amplexus nō abhorrere, ne morbi huius aspersio-
 ne ad usq; pestilentia cōualescēte nī mirū status labefactetur Ecclesiæ
 totius propter fornicationē dixit, Vnusquisq; suā uxore habeat, qđ
 specialiter ad laicos pertinere idē mentiuntur hypocritæ, qui licet in
 A ii quouis

Arguit vio-
 lentia Nico-
 laum Hulderi-
 cus. *5 an de re
 tu + aplo*

*per moysen habu-
 imus uxorib9 nō
 habuimus*

*memoria dei & suba-
 gitare alioq; uxorib9*

non lajmb q
sacerdos vmb
proub vir no
Abu' ahemib mmb
eubus

Epns vora
imb pfr de
mmi pue & om
pue

In paphnmb
In mmo mmo
gratit ita vt det

in quouis sanctissimo ordine constituti, alienis reuera uxoribus nō dubitant abuti. Et quod flendo cernimus omnes in supradictis seuiunt sceleribus. Hi nimirum non recte scripturam intellexerūt, cuius mamillam quia durius pressere sanguinem pro lacte biberūt. Nam illud Apostolicum, Vnusquisq; suam habeat uxorem, nullum excipit uere nisi professorem continentiae, uel eum qui de continuanda uirginitate in domino praefixit. Quod nihilominus tua, pater uenerande condecet strenuitatem, ut omnē qui tibi manu uel ore uotum faciens continentiae, postea uoluerit apostatare, aut ad uotum exequendū ex debito constringas, aut ab omni ordine Canonica auctoritate deponas, & hoc ut uiriliter implere sufficias, me omnesq; mei ordinis uiros adiutores habebis non pigros. Verū, ut huius uoti nescios omnino scias non esse cogendos, audi Apostolū dicentē ad Timotheū. Oportet, inquā, Episcopum irreprehensibilē esse unius uxoris uirū, quam ne quis sententiam ad solam uerteret Ecclesiā, subiunxit. Qui autē domui suae praesse nescit, quomodo dei Ecclesiae diligentiam adhibebit? Similiter, inquit, diaconi sint unius uxoris uiri, qui filiis suis bene praesint, & suis domibus. Hanc autē uxorem a sacerdote bene dicendā esse sancti Syluestri Papae decretis scio te sufficienter docuisse. His & huiusmodi sanctis scripturae sententiis regulae clericorū scriptor, non immerito concordans ait, Clericus sit pudicus, aut certe unius matrimonii uinculo federatus. Ex quibus oībus ueraciter colligit, quod Episcopus & dyacon⁹ reprehensibiles notantur, si in mulieribus multis diuiduntur. Si uero unam sub obtentu religionis abiiciunt, utrunq; scilicet Episcopū & dyaconū sine graduū differentia hic Canonica damnat sententia. Episcopus aut presbyter uxorem propriam nequaquā sub obtentu religionis abiiciat, si uero reiecerit excōmunicetur, & si perseuerauerit deiiciatur. Sanctus quoq; Augustinus sanctae discretionis nō inscius, nullum, inquit, tam graue facinus est, quin admittendum sit, ut deuitetur peius. Legimus praeterea in secundo tripartitae Ecclesiasticae libro historiae, Quod cum synodus Nicena hac eadem uellet sancire decreta, ut uidelicet Episcopi, presbyteri, dyaconi post cōsecrationem a propriis uxoribus uel omnino abstinerent, uel gradu deponerent. Surgens in medio Paphnutius unus ex illis martyribus, quos

gratit ita vt det sacerdotib raptare motali uinere

bus, quos maximus imperator oculis eorum dextris euulsis & si-
nistris suris incisus damnauit. Contradixit, honorabiles confessus
nuptias ac castitatem esse dicens concubitum cum propria uxore,
persuasitq; consilio ne talem ponerent legem, grauem asserens esse
causam, quā aut ipsis aut eorum coniugibus occasio fornicationis
existeret. Et hæc quidē Paphnutius, licet nuptiarū expers, exposuit,
synodusq; eius sententiam laudauit, & nihil ex hac parte sanciu-
it, sed hoc in uniuscuiusq; uoluntate non in necessitate dimisit. Sunt
uero aliqui, qui sanctum Gregorium suæ sectæ sumunt adiutoriū,
quorum quidem temeritatem rideo, ignorantiam doleo. Ignorant
enim, quod periculosum huius hæresis decretum a sancto Gregorio
factum, condigno poenitentiae fructu. Postmodum ab eodē sit pur-
gatum. Quippe, cum die quadam in uiuarium suū propter pisces
misisset, & allata inde plusquā sex milia infantū capita uideret, in-
tima mox ductus poenitentia ingemuit, & factum a se de abstin-
entia decretū, tantæ cedis causam confessus, condigno illud, ut dixi
poenitentiae fructu purgauit, suoq; decreto prorsus damnato, Apo-
stolicum illud laudauit consilium, Melius est nubere quā uri, ad-
dens ex sui parte, Melius est nubere quā mortis occasionem prebe-
re. Hunc forsitan rei euentum, si illi mecum legissent, non tam te-
mere credo iudicarent, dominicū saltem timentes præceptum. No-
lite iudicare ut nō iudicemini. Inde Paulus dicit, Tu quis es qui iu-
dicas alienum seruum? suo domino stat aut cadit, stabit autem, po-
tens est dominus statuere illum. Cesset ergo sanctitas tua cogere,
quos tantum deberet ammonere, ne priuato, quod absit, præcep-
to tam ueteri quam nouo contrarius inueniaris testamento. Nam,
ut ait sanctus Augustinus ad Donatum, Solum est quod in tua iusti-
cia pertimescimus, ne non pro lenitatis Christianæ consideratione
sed pro immanitate facinorum censeas coercendum, quod te per ip-
sum Christum ne facias obsecramus. sic enim peccata compescenda
sunt, ut supersint quos peccasse poeniteat. Illud & Augustini uolu-
lum te recordari, quod ait, Nihil nocendi fiat cupiditate omnia
cōsulēdi charitate, & nihil fiat immaniter, nihil inhumaniter. Itē de
eodē in timore Christi, in nomine Christi exhortor, quicūq; nō ha-
betis tēporalia habere nō cupiatis, quicūq; habetis in eis nō psumatis.

A iii

Dico

*habentes temporalia
in illis nō psumat
sic + p. v. r. r. r. r. r.
nō habens*

Optimū p. r. r. r. r. r.

*melius est nubere
q. m. m. m. m. m. m. m.*

*nemo p. r. r. r. r. r. r.
p. r. r. r. r. r. r. r. r. r.
m. m. m. m. m. m. m.*

Dico autē non si ista habetis damnamini, sed si in eis presumatis dā
 namini, si propter talia magni uobis uideamini, si generis humani
 conditionē cōmunē propter excellentē unitatē obliuiscamini. Qd
 nimirū poculū discretiōis ex illo fonte apostolicæ hauseritis predica
 tiōis. Solutus es ab uxore noli querere uxore, adligatus es uxori, noli
 querere solutionē. ubi & subditur, Qui habent uxores tanq̄ nō ha
 bentes, & qui utuntur mundo tanq̄ non utātur. Item dicit de uidua
 cui uult nubat tantū in dño. Nubere autē in domino est nihil in cō
 trahendo cōnubio qd dñs prohibeat attentare. Hieremias quoq; ait
 Nolite confidere in uerbis mendacii dicētes, Templū domini tem
 plū domini templū domini est, quod Hieronymus exponens, po
 test, inquit, & hoc illis uirginibus cōuenire quæ iactant pudicitia suā
 impudenti uultu, præferunt castitatē, cū aliud habeat cōscientia, &
 nesciunt illā Apostoli definitionē, de uirgine ut sit sancta corpore &
 spiritu. Quid pdest corporis pudicitia animo cōstuprata, si ceteras
 uirtutes, quas propheticus sermo describit, nō habuerit? Quas qui
 dem, quia te aliquatenus habere uidemus, & quia discretiōē licet
 in hac re neglectam, in aliis tamē uitæ tuæ institutionibus eam ho
 neste conseruatā non ignoramus. Huius intentionis prauitatem cito
 correcturū nō desperamus, & ideo nō quanta possumus grauitate,
 istam licet grauissimā negligentia corripimus & iudicamus, quanq̄
 enim secūdū uocabula, quæ usus obtinuit sit Episcopatus presbyte
 rio maior, tñ Augustinus Hieronymo minor est, & a minori quoli
 bet non est refugiēda uel dedignāda correptio, præsertim cū is qui
 corripit & cōtra ueritatē & pro hominibus niti inuenitur. Neq; enī,
 ut ait sanctus Augustinus ad Bonificiū, quorūlibet disputationes
 quāuis catholicorū & laudatorū uirorū uelut scripturas Canonicas
 habere debemus, ut nō liceat salua honorificentia, quæ illis debetur
 aliquid in eorū scriptis improbare atq; respuere, si forte inuenerimus
 qd aliter senserint, quā ueritas habeat diuino adiutorio uel ab aliis in
 tellecta uel a nobis. Qui d autē ueritati magis contrariū potest inue
 niri, quā hoc cū ipsa ueritas de cōtinentia loquens, nō unius homi
 nis, sed omnīū plane, excepto numero, professorū cōtinentiæ di
 cat, Qui potest capere capiat, qd isti unde nescitur instigati dicāt, qui
 non potest capere feriat anathemate. Quid uero per homines fie
 ri potest uel illis, qui d diuinæ maledictioni obligatus, quam cum
 aliqui

Item Epns &
 sacerdos obmura
 do facimus

Omnis huius
 ber uxores &
 nō pfectis post
 pubertatez instruitur ppter uirgines & alij

aliqui uel Episcopi uidelicet uel Archidiaconi ita precipites sint in li-
bidinem, ut neq; adulteria, neq; incestus, neq; masculorū prohi-
bitur turpissimos amplexus sciant abhorrere, q̄ casta clericorū cōiu-
gia sibi dicant fetere, & ab eis nō uere iusticiæ cōpassione clericos ut
conseruos cogant uel moneant cōtinere, sed ut seruos iubeant ac co-
gant abstinere. Ad cuius imperii ne dicam consilii tam fatuā, tamq̄
turpem addunt suggestionē, ut dicant honestius est, pluribus occul-
te implicari, quam aperte in hominū uultu & conscientia cum una
ligari. Quid profecto non dicerent, si ex illo, & in illo essent, qui di-
cit, Ve uobis phariseis qui oīa facitis propter homines. Et per Psal-
mistā, Quia hominibus placēt cōfusi sunt, quoniā dominus spreuit
eos. Hi sunt homines qui prius deberent nobis persuadere, ut in cō-
spectu eius, cui oīa nuda & aperta sunt, erubescamus peccatores esse,
quā in conspectu hominū mundi esse. Licet ergo merito suæ prauitatis
nullius consiliū mereātur pietatis, nos tamē memores huma-
nitatis, diuinæ eis consiliū auctoritatis nunquā a pietate uacātis, per
uiscera ministramus charitatis. Dicimus nempe, eice primū hypo-
crita trabem de oculo tuo, & tūc perspicies ut eicias festucā de oculo
fratris tui. Illud quoq; rogamus eos attendere, qd̄ dñs dicit de mere-
trice, Qui sine peccato est uesterū primus in eā lapidē mittat, quasi di-
ceret, Si lex iubet, si Moyses iubet, iubeo & ego, sed cōpetentes legis
ministros exigo. Attēditis quid additis, attendite quæso & qd̄ estis,
quia si teipsum, ut ait scriptura, perspexeris, nulli unquā detraxeris.
Significatū est nobis etiā de quibusdam eorū, qui tanta apud se in-
tumescant elatione, ut gregem dñi, pro quo boni pastores animas
nō dubitāt ministrāre, isti uerberibus absq; ratiōe præsūmāt laniare,
quorū sententiā sanctus Gregorius deplorās ait, Quid fiet de ouibus
quādo pastores lupi fiunt? sed quis uincitur nisi qui seuit? quis uero
persecutorē iudicabit, nisi qui dorsum suū ad flagella patienter mi-
nistravit? Operepratiū est autē ut audias, quo fructu tantū Ecclesia
dei scandalū, tantū clerus despectū, & ab ipsis Episcopis & ab eorū
infidelibus patiat. Nec enī eos infideles dicere dubitauerim, de qui-
bus Paulus Apostolus dicit ad Timotheū, Quia in nouissimis tem-
poribus discedent quidā a fide attendentes spiritibus erroris & doctri-
nis demoniorū in hypocrisi loquentiū mendaciū & cauteriatā ha-
bentium conscientiam, prohibentiū nubere. Hic est autē si diligēter
inspiciatur

qui supra mē
habet rōmā
post habitū mē
habet rōmā
m pluribus rōm

plus timentis mō
omnis p̄m̄s j̄ dñs
honestā fronte

Oratio Episcopa
habet qm̄s aduēti
idem mōm̄s ut p̄m̄s
Lijr rābz & om̄s


ad Timotheū &

inspiciatur tocius eorū manipulus zizanīæ, totius conuentus infā-
niæ, ut dū clerici licita unius mulieris consortia pharisaico deuicti,
quid absit, furōre relinquere cogūtur fornicatores & adulteri, & alia
rum prauitatū turpissimi ministri, cū ipsis efficiantur. Qui hanc in
Ecclesia dei hāresim sicut cæci duces cæcorū machinantur, ut uide-
licet illud impleatur, quod psalmista eis, ut pote eorū præscius, erro-
ris taliter imprecatur. Obscurentur oculi eorū ne uideāt, & dorsum
eorū semper incurua. quia ergo, nemo q̄ te, o Apostolice, nouit ig-
norat, quod si tu per tui decreti sententiā, tantā futuram esse pesti-
lentiā solidæ discretionis claritate perspexisses, nunquā quorunlibet
tam prauis suggestionibus consensisses. Debitæ tibi subiectionis fide-
litate consulimus, ut uel nunc ad tanti scandali ab Ecclesia dei pro-
pulsionem euigiles, & qua nosti discretionis disciplina, pharisaicā
ab ouili dei extirpes doctrinam, ne scilicet unica domini sunamitis
adulterinis diutius usa maritis, gentem sanctam regale sacerdotiū
per irreuerabile a suo sponso Christo uidelicet auellat diuortium
dum nemo sine castimonia non tantū in uirginali flore, sed etiam
in coniugali habita coniūctione, uisurus sit dominū nostrum, Qui
cum deo patre & spiritu sancto uiuit & regnat, Per omnia secula se-
culorum.


A M E N.

Inuenta est hæc Epistola, in quadam Bibliotheca opidi
ueteris aquæ Germanice Alduater In Hollandia
Inferioris Germaniæ prouincia.

Item, Obiit sanctus Huldericus, Anno
Nongentesimo, ætatis suæ .lxxxiii.



0, 15-695
pc.



1762283

Ruzicka # - ed

6/28/12

